

Հ Ո Ղ Վ Ա Մ Ն Ե Ր

ԳՅՈՒՂԱՏՆՏԵՍՈՒԹՅԱՆ ՍՈՑԻԱԼԻՍՏԱԿԱՆ ՎԵՐԱԿԱՌՈՒՑՄԱՆ ՀԱՄԱՐ

Ա. Պ. ՄԿՐՏՁՅԱՆ

1925 թ. վերջում հիմնականում ավարտվում է Երևանի գավառի գյուղատնտեսության վերականգնումը: Ինչպես ժողովրդական տնտեսության մյուս բյուրերի, այնպես էլ գյուղատնտեսության համար 1913 թ. մակարդակը վերջնագիծ լինել չէր կարող: Այն միայն սկիզբն էր ամբողջ ժողովրդական տնտեսության սոցիալիստական վերակառուցումը նախապատրաստելու համար:

1921—25 թթ. ընթացքում՝ նոր տնտեսական քաղաքականության խթանող ուժերը Երևանի գավառի գյուղատնտեսության վերականգնման գործում աստիճանաբար իրենց սպառում են մասնատված գյուղացիական տնտեսությունների շրջանակներում:

1924—26 թթ. ընթացքում գրեթե յուրաքանչյուր տարում կրկնապատկվում է կոոպերացված գյուղացիական տնտեսությունների ընդհանուր թիվը ամբողջ գավառում: Եթե 1924 թ. տարբեր տիպի արտադրական կոոպերատիվներում ընդգրկված էր գավառի գյուղացիական տնտեսությունների միայն 8,5 տոկոսը, ապա 1925 թ.՝ 14,8 տոկոսը, իսկ 1926 թ.՝ 25,1 տոկոսը¹: Աճման այս տեմպերը յուրյց են տալիս, որ կոոպերատիվ աշխատանքը տարեցտարի ավելի ու ավելի է համակում գյուղացիությանը:

1926 թ. վերջում գյուղատնտեսական արտադրական կոոպերացիայի ցանցը Երևանի գավառում հետևյալ պատկերն էր ներկայացնում²:

Կոոպերատիվներն ըստ տիպերի	Կոոպերատիվների քանակը	Անդամ տնտեսությունների քանակը
1. Գյուղ. վարկային ընկերություններ	7	4647
2. Այգեգործական ընկերություններ	8	848
3. Բամբակագործական ընկերություններ	3	226
4. Խառը գյուղատնտեսական ընկերութ.	4	176
5. Մեղվաբուծական ընկերություններ	2	50
6. Մեքենաօգտագործման ընկերություն.	1	31
7. Ծխախոտագործական ընկերություններ	4	414
8. Ոչխարաբուծական ընկերություններ	2	89
9. Աշխատանքային հողօգտագործման ար- տելներ	1	28
10. Կ ո ո ս ա	1	35
11. Կաթնատնտեսական արտելներ	2	62
Ընդամենը	35	6606

¹ ՄԻ-ի հայկ. մասնաճյուղի արխիվ, ֆ. 4/1, գ. 906, թ. 177:

² Նույն տեղում:

Դժվար չէ նկատել, որ վերը նշված կոոպերատիվների շարքում ամենատարածված ձևը գյուղատնտեսական վարկային ընկերություններն էին: Ընդհանուրի մեջ դեռևս փոքր տոկոս էին կազմում այգեգործական, բամբակագործական և այլ գյուղատնտեսական արտադրական կոոպերատիվները: Վարկային ընկերությունները գլխավորապես զբաղվում էին անհատական գյուղացիական տնտեսություններին դրամով, գյուղգործիքներով և այլ անհրաժեշտ պարագաներով ապահովելու գործով: Արտադրության տարբեր ոլորտների հանրայնացումը վարկային ընկերություններում համեմատաբար ավելի փոքր էր, բան, ասենք, այգեգործական, բամբակագործական ընկերություններում, աշխատանքային հոդօգտագործման արտելներում և առավել ևս՝ կոմունայում: Ահա թե ինչու ՀԿ(բ)Կ Երևանի գավառային կոմիտեն 1927 թ. սկսած առավել կարևորություն է տալիս այգեգործական, բամբակագործական և նման գյուղատնտեսական արտադրական կոոպերատիվների զարգացմանը:

Եթե 1926 թ. այգեգործական, բամբակագործական, ծխախոտագործական և նման գյուղատնտեսական արտադրական կոոպերատիվներում ընդգրկված էր կոոպերացված տնտեսությունների մոտ մեկ երրորդը, ապա 1928 թ. գարնանը՝ մոտ կեսը: Բամբակագործական կոոպերացիան, օրըստօրե կազմակերպչորեն ամրանալով, ուժեղանում էր տնտեսապես և իր մեջ ընդգրկում Երևանի գավառի ամբողջ բամբակացան դաշտերի 46,4 տոկոսը³: Ծո չէր մնում նաև այգեգործական կոոպերացիան: Այն ընդգրկում էր 2166 այգեգործական տնտեսություն կամ գավառի այգորինակ տնտեսությունների 40 տոկոսը⁴:

Գյուղատնտեսական արտադրական կոոպերացիայի բնագավառում ձեռք բերած նվաճումները բավարար հող են նախապատրաստում անցում կատարելու առավել զարգացած՝ կոլտնտեսային ձևին: 1928 թ. սկզբներից կոլտնտեսային շարժումը իր առաջին քայլերն է անում նաև Երևանի գավառում: Գյուղատնտեսական արտադրական կոոպերատիվների կողքին ծնվում են առաջին կոլտնտեսությունները: Գյուղատնտեսական առաջին արտելը Երևանի գավառում կազմակերպվում է 1928 թ. հունվարի 10-ին, Ղամարլուի շրջանի Վերին Նորաշեն գյուղում⁵: Այնուհետև նման արտելներ են կազմակերպվում շրջանի Այգեստան, Արտաշատ, Ղամարլու և Բուրաստան գյուղերում: Նույն շրջանի Յուվա գյուղում կազմակերպվում է գավառի երկրորդ՝ «Արյունոտ կիրակի» կոլվոդ կոմունան (առաջինը՝ Մաղկահովտում): Այսպիսով, 1928 թ. սկզբներին Երեվանի գավառում սկսում են գործել երկու կոմունա և հինգ գյուղատնտեսական արտել՝ 133 գյուղացիական տնտեսություններով⁶:

ՀԿ(բ)Կ Երևանի գավառային կոմիտեի երրորդ պլենումը (1928 թ. ապրիլ), հաշվի առնելով գավառի տարբեր շրջանների առանձնահատկությունները և ելնելով գյուղատնտեսության կոլեկտիվացման գլխավոր սկզբունքից, անհրաժեշտ է համարում կոլտնտեսությունները կազմակերպել առաջին հերթին Երեվանի գավառի Ղամարլուի, Հրազդանի և Վեդի-Բասարի շրջաններում: Քանի որ կոլտնտեսային շինարարության մեջ դեռևս բացակայում էր անհրաժեշտ փորձը, պլենումը նպատակահարմար է համարում գյուղի սոցիալիստական վերակառուցումը Երևանի գավառում սկսել կոլտնտեսությունների կազմա-

3 ՄԼԻ-ի հայկ. մասնաճյուղի արխիվ, ֆ. 4/1, գ. 1202, թ. 11:

4 Նույն տեղում, թ. 12:

5 «Երրորդային Հայաստանը Թվերով, 1923—27 թթ., վիճակագրական տեղեկատու», էջ 960-

6 Նույն տեղում:

կերպման պարզ ձևերից՝ հողօգտագործման ընկերություններից ու արտելներից և երբեք հանդես չբերել շտապողականություն: Քննարկվող հարցի առթիվ ընդունված որոշման մեջ նշվում է, որ «կոլտնտեսությունների կազմակերպումը չպետք է լինի վերից փաթաթված», որ անհրաժեշտ է հաշվի առնել գյուղացիների ցանկությունները և կոլտնտեսությունները կազմակերպել միայն ու միայն նրանց համաձայնությամբ⁷:

Գյուղատնտեսության սոցիալիստական վերակառուցումը ինչպես ամենուր, այնպես էլ Երևանի գավառում ընթանում է դասակարգային պայքարի պայմաններում: Դասակարգային շերտավորման հետևանքով գյուղում տարեց-տարի աճելի մեծ կիրառում է ստանում վարձու աշխատանքը: 1928 թ. վերջում գավառի 28000 գյուղացիական տնտեսություններն ըստ իրենց սոցիալական պատկանելիության բաշխվում են հետևյալ կերպ՝ 46,9 տոկոսը կազմում են չբավորները, 41,5 տոկոսը՝ միջակները, իսկ 11,6 տոկոսը՝ ունևոր ու կուլակային տնտեսությունները⁸: Անհրաժեշտ էր ամրապնդել չբավոր ու միջակ գյուղացիական տնտեսությունների քաղաքական ու տնտեսական դաշինքը: Այդ նպատակով ամրապնդվում է չբավորական կոմիտեների գործունեությունը: 1928 թ. մայիսի 27-ին գումարվում է Երևանի գավառի չբավորական առաջին կոնֆերանսը: Կոնֆերանսը հավաստիացնում է ՀԿ(Բ)Կ Կենտրոնական կոմիտեին, որ գավառի չբավոր գյուղացիությունը, որպես բանվոր դասակարգի ամենահուսալի նեցուկը գյուղում, պատրաստ է հաղթահարելու այն բոլոր դժվարությունները, որ կանգնած են գյուղի սոցիալիստական վերակառուցման ճանապարհին⁹:

1928 թ. սեպտեմբերի 9-ին կուսակցության Երևանի գավառային կոմիտեի չորրորդ պլենումում ընդարձակ զեկուցումով հանդես է գալիս ՀԿ(Բ)Կ Կենտկոմի առաջին քարտուղար Հ. Կոստանյանը: Զեկուցումը նվիրված էր գյուղում կատարվելիք կոլեկտիվացման աշխատանքներին: «Եթե նայելու լինենք մեր կոլեկտիվ տնտեսությունների կազմին, — նշում է զեկուցողը, — ապա կտեսնենք, որ այնտեղ գլխավորապես ընդգրկված են չբավորները, իսկ միջակ գյուղացիների ընդհանուր թիվը չնչին է: Առանց միջակ գյուղացիության գործ սկսել գյուղում չի կարելի, դա կնշանակի միջակին տալ կուլակի ձեռքը: Երբ չբավորի միջոցով գործ ես սկսում, պետք է այդ գործին մասնակից դարձնել նաև միջակին, այլապես, չբավորի ու միջակի դաշինքը, նրանց զոդումը կլինի վերացական: Գյուղում մենք ունենք երկու հենակետեր՝ քաղաքական ու տնտեսական: Քաղաքականը՝ չբավորական խմբակներն են, գյուղխորհուրդները, բջիջները, իսկ տնտեսականը՝ կոոպերատիվ միություններն են, վարկային ընկերությունները և այլն»¹⁰: Միջակ գյուղացիության ակտիվ մասնակցությունը վերը նշված կազմակերպություններին կնշանակեք գործնականում ապահովել նրա տնտեսական ու քաղաքական դաշինքը չբավոր գյուղացիության հետ:

Կոլեկտիվ շինարարության գործում մյուս կարևոր բացը զեկուցողը համարում է այն, որ կազմակերպության ներսում դեռևս պահպանվել ու իր գործնական կիրառումն է գտել այն մտայնությունը, որ գյուղատնտեսության սո-

⁷ ՄԼԻ-ի հայկ. մասնաճյուղի արխիվ, ֆ. 4/1, գ. 1202, թ. 18:

⁸ «Խորհրդային Հայաստան», № 290, 1928:

⁹ Նույն տեղում, № 124:

¹⁰ Նույն տեղում, № 216:

գիալիստական վերակառուցումը պետք է սկսել անմիջապես կոմունաների կազմակերպումից: «Գյուղի սոցիալիստական վերակառուցումը,— նշում է զեկուցողը,— պետք է սկսել ամենապարզ, հասարակ ու գյուղացու համար հասկանալի ձևերից: Երբեմն կարող է մի համայնական գոմի կառուցումն ավելի խոշոր չափով մեզ մոտեցնել կոլեկտիվ տնտեսությունների գաղափարին, քան ամբողջական համայնական միավորներ, որոնք կարող են և կպատրաստեն գյուղացիությանը դեպի աշխատանքի համայնական ձևերը»¹¹:

Սվ իրոք, կուսակցության Երևանի գավառային կոմիտեն, տնտեսական կազմակերպությունները պետության կողմից 1928 թ. կոլեկտիվ տնտեսություններին նախատեսվող 97.000 ու. նպատակային վարկի 72,5 տոկոսը հատկացնում են գավառի երկու կոմունաներին, իսկ մնացածը՝ քսան կոլտնտեսությունների: Այսպիսով, կոմունայի յուրաքանչյուր անդամի հասնում է 902 ու., իսկ կոլտնտեսության յուրաքանչյուր անդամի՝ մոտ տասն անգամ պակաս՝ 92 ու.¹²: Պլենումը աննորմալ է համարում այս երևույթը և հանձնարարում է կուսակցության Երևանի կոմիտեին, գավառի պետական ու տնտեսական օրգաններին, պետության կողմից հատկացված նպատակային վարկը գլխավորապես ուղղել կոլտնտեսությունների արտադրական բազայի ամրապնդմանը: Իր հիմքում պահպանելով կոլտնտեսային շինարարության վերաբերյալ ՀԿ(Բ)Կ Երևանի գավառային կոմիտեի III պլենումի որոշումը, IV պլենումը առանձնահատուկ կարևորություն է տալիս չթափուր ու միջակ գյուղացիության տնտեսական ու քաղաքական դաշինքի հետագա ամրապնդմանը: Պլենումը խնդիր է դնում միջակ գյուղացիությանը լայնորեն մասնակից դարձնել գյուղի սոցիալիստական վերակառուցման աշխատանքներին: Պլենումը նոր թափ է հաղորդում կոլեկտիվ շինարարությանը. 1928 թ. վերջում կոլեկտիվ տնտեսությունների թիվը Երևանի գավառում հասցվում է 50-ի, որից 4-ը՝ կոմունա, 40-ը՝ գյուղատնտեսական արտել և 6-ը՝ համայնական հողօգտագործման ընկերություն¹³:

1929 թ. սկսած՝ գավառի միջակ գյուղացիությունը ավելի ու ավելի է հակվում դեպի կոլեկտիվ աշխատանքը, ընդգրկվելով գլխավորապես գյուղատնտեսական արտելներում և համայնական հողօգտագործման ընկերություններում: Մինչև 1929 թ. կեսերը Երևանի գավառի կուսակցական կազմակերպությունները կոլեկտիվ շինարարության գործում ղեկավարվում են ՀԿ(Բ)Կ Երևանի գավառային կոմիտեի III և IV պլենումների որոշումներով: Աշխատանքներում բացակայում է գրոհայնությունը, խստորեն պահպանվում է կամավորության սկզբունքը: Կիսամյակի ընթացքում Երևանի գավառում կազմակերպվում է ևս 30 կոլտնտեսություն: Կոլեկտիվ տնտեսությունների ընդհանուր թիվը հասնում է 80-ի, որոնցում ընդգրկվում են 2095 գյուղացիական տնտեսություններ: 1928—29 թթ. գյուղատնտեսական տարում նրանց կողմից մշակվում է ավելի քան 7357 հեկտար հողատարածություն¹⁴: Գավառի գյուղատնտեսության սոցիալիստական սեկտորը տալիս է առաջին արտադրանքը: 1929 թ. սեպտեմ-

¹¹ Նույն տեղում:

¹² Նույն տեղում, № 266:

¹³ ՀՍՍՀ ՀՀՄԿԿԱ, ֆ. 163, գյուղատնտեսության բաժին, գ. 3155, թ. 6:

¹⁴ Նույն տեղում:

րերի 29-ին ՀԿ(Բ)Կ Երևանի, Էջմիածնի, Դարալագյազի և Մեղրու գավառային կոմիտեների միացյալ պլենումում ընդարձակ զեկուցումով հանդես է գալիս ՀԿ(Բ)Կ Կենտկոմի քարտուղար Աղասի Խանջյանը: Խոսելով հնգամյակի ընթացքում արդյունաբերության, տրանսպորտի, ժողովրդական լուսավորության դործում կազմակերպության անելիքների մասին, զեկուցողը նշում է, որ անհրաժեշտ է «գործնական քայլերի դիմել, Ռուսաստանում մեծ չափով կիրառվող առանձին շրջանների ամբողջական կոլեկտիվացման փորձը կիրառել նաև մեզանում»¹⁵: Պլենումը որոշում է արագացնել կոլտնտեսությունների կազմակերպման տեմպերը¹⁶:

1930 թ. հունվարի 13-ին Երևանի քաղաքային խորհրդի ընդլայնված նիստում գավառը հայտարարվում է համատարած կոլեկտիվացման շրջան¹⁷: Նույն թվականի հունվարի 23-ին գումարվում է ՀԿ(Բ)Կ Երևանի գավառային կոմիտեի հերթական V պլենումը:

Համատարած կոլեկտիվացման հաջողության պայմանը պլենումը համարում է աշ թեքման դեմ պայքարի ուժեղացումը: «Կուլակության վերացումը որպես դասակարգ,— նշված է պլենումի նյութերում,— այժմ մեր հիմնական խնդիրներից մեկն է»¹⁸: 1930 թ. հունվարի 2-ի գիշերը կուլակների ձեռքով սպանվում են Ղամարլուի շրջանի Աղբաշ գյուղի այգեգործական ընկերության նախագահ, շրջանի հասարակական ակտիվ գործիչ, կոլտնտեսության լավագույն կազմակերպիչ Արտուշ Միրզոյանը, նույն գյուղի այգեգործական ընկերության գանձապահ, կոմերիտական Զավեն Սալադյանը և շրջանի Յուլա դուղի կոլտնտեսական, կոմերիտական Թորգոմ Սարգսյանը: Նույն ամսում կուլակները գիշերը սպանում են Յուլայի կոլեկտիվ տնտեսության պահակին և հրդեհում հանրային սեփականությունը¹⁹: Գյուղի հասարակական ժողովը 500—600 շքավոր ու միջակ գյուղացիների մասնակցությամբ կուլակների կողմից ձեռնարկած այդ քայլը գնահատում է որպես կազմակերպված տեղոր և որոշում է նրանց նկատմամբ կիրառել ամենախիստ պատժի միջոցները²⁰:

1930 թ. փետրվարի 10-ին Երևանում իր աշխատանքն է սկսում գավառի կոլտնտեսականների առաջին համագումարը՝ հազար պատգամավորների մասնակցությամբ: Ինչպես ՀԿ(Բ)Կ Երևանի գավառային կոմիտեի հունվարյան պլենումը, այնպես էլ կոլտնտեսականների առաջին համագումարը, պայքարի իրավացիորեն ուղղելով կոլեկտիվ շինարարության գլխավոր թշնամու՝ աշ թեքման դեմ, անտեսում է այդ թշնամու ջրաղացին ջուր լցնող «ձախ» խոտորումների դեմ պայքարի կազմակերպումը: Ավելին, համագումարի կողմից ընդունված որոշումը տողորված էր ձախությամբ: «Գյուղատնտեսական ամբողջ ինվենտարի համայնացումը,— նշված է որոշման մեջ,— այն նախապայմանն է, որ ապահովվում է կոլտնտեսության հետագա... զարգացումը»²¹:

Խախտելով կոլեկտիվացման գործում կամավորության լենինյան սկզբունքը, ՀԿ(Բ)Կ Երևանի գավառային և շրջանային կոմիտեները համատարած կո-

15 «Խորհրդային Հայաստան», № 229, 1929:

16 Նույն տեղում:

17 Նույն տեղում, № 13, 1930:

18 Նույն տեղում, № 21:

19 Նույն տեղում, № 30:

20 Նույն տեղում:

21 Նույն տեղում, № 36:

լեկտիվացման տենդով այրված, մոտ երկու ամսվա ընթացքում հիմնականում ավարտում են կոլեկտիվացումը և հախուռն կերպով կոլտնտեսությունների մեջ ևն ընդգրկում գավառի գյուղացիության հիմնական մասը: Ընկնելով թվերի ետևից, գավառի շրջանային կոմիտեներում մեծ չափերի են հասնում «ճախ» խոտորումները գյուղի սոցիալիստական վերակառուցման գործում:

Ինչպես հայտնի է, համատարած կոլեկտիվացման աշխատանքներին կարելի է ձեռնամուխ լինել այն ժամանակ, երբ տվյալ շրջանի, գավառի, հանրապետության միջակ գյուղացիությունը իր հիմնական զանգվածով գիտակցելով կոլեկտիվ աշխատանքի առավելությունը անհատականի նկատմամբ, պատրաստ է կամավոր կերպով ընդգրկվելու կոլտնտեսության մեջ: Առանց այս նախապայմանի, համատարած կոլեկտիվացումը անհնարին է: Միջակ գյուղացիությունը հանրապետության տարբեր գավառներում, շրջաններում և անգամ հարևան գյուղում տվյալ ժամանակաշրջանում կարող է կանգնած լինել գիտակցական տարբեր մակարդակների վրա: Եթե հաշվի չի առնվում այս հանգամանքը և հախուռն կերպով ամենուր փորձում են իրականացնել համատարած կոլեկտիվացումը, բնականաբար ոտնահարվում է կամավորության սկզբունքը միջակ գյուղացիության այն շերտի նկատմամբ, որը դեռևս չի չիտակցել կոլեկտիվ աշխատանքի առավելությունը անհատականի նկատմամբ: Այս դեպքում կամավորության սկզբունքին փոխարինելու է գալիս բռնությունը: Այս արատավոր պրակտիկան 1930 թ. առաջին ամիսներին իր արտահայտությունը գտավ նաև Երևանի գավառում: Այդ շրջանում գավառի ոչ բոլոր շրջաններն էին նախապատրաստված ու հասունացած համատարած կոլեկտիվացման համար: Մինչդեռ 1930 թ. հունվարի 15-ից ՀԿ(Բ)Կ Երևանի գավառային կոմիտեն ձեռնամուխ է լինում գավառի համատարած կոլեկտիվացման աշխատանքներին, խնդիր դնելով այն ավարտել մինչև նույն թվականի ամռանը: Մի կողմը կուլակն է, մյուս կողմը՝ կոլեկտիվը, ո՞րը կցանկանաք²², նման հարցադրման էին արժանանում այն գյուղացիները, որոնք չէին ցանկանում մտնել կոլտնտեսություն: Սա արհեստականորեն դժգոհություն էր սերմանում միջակ գյուղացիության շրջանում: Կանգնելով նման երկընտրանքի առաջ, միջակ գյուղացին, կուլակի նկատմամբ կիրառվող քաղաքականությունից վախեցած, գերադասում է մտնել կոլտնտեսություն, նախօրոք վատնելով իր ունեցվածքը: Բողոքելով նման պրակտիկայի դեմ, Վեդի-Բասարի շրջանի գյուղացիներից մեկը գրում է. «Ես ունեմ 4 եզ, 4 կով: Ինքս էլ սեփական ուժերովս վարում և ցանում եմ հողերս, չեմ շահագործում ուրիշներին, խորհրդային իշխանությունն իմ սրտին մոտիկ իշխանություն է, իսկ երբ ինձ կուլակ են անվանում, այն ժամանակ ստիպված պիտի լինեմ անասուններս ծախել և տնտեսությունս թուլացնել, որպեսզի ինձ կուլակ չանվանեն»²³: Եվ իրոք, 1929 թ. աշնանից սկսած՝ Երևանի գավառում սկսում է անկում ապրել անասունների ընդհանուր գլխաքանակը:

ՀամԿ(Բ)Կ Կենտկոմը կոլեկտիվացման գործում կուսակցության գծի խեղաթյուրման բազմաթիվ ահազանգներ ստանալով տեղերից, այն դարձնում է քննարկման նյութ: 1930 թ. մարտի 14-ի ՀամԿ(Բ)Կ Կենտկոմի «Կոլտնտեսային շարժման մեջ կուսակցական գծից կատարվող շեղումների դեմ պայքարելու մասին» որոշման մեջ նշվում է, որ այդ շեղումները հանդիսանում են «կոլտընտեսային շարժման հետագա աճման հիմնական արգելակը և ուղղակի

²² ՄԼԻ-ի հայկ. մասնաճյուղի արխիվ, ֆ. 4/1, գ. 1662, թ. 7:

²³ Նույն տեղում, գ. 783, թ. 1:

օղնություն մեր դասակարգային թշնամիներին»²⁴, Դատապարտելով կոլտնտեսային շինարարության մեջ ի հայտ եկած ձախ խոտորումները, Կենտկոմը պարտավորեցնում է կուսակցական կազմակերպություններին վերջ տալ կոլեկտիվացման հարկադրական մեթոդներին և խոտորեն պահպանել այդ գործում կամավորության լենինյան սկզբունքը:

1930 թ. ապրիլի 9-ին Երևանում գումարվում են գավառի կուսակցական կազմակերպությունների փնջային ժողովներ, որոնցում «կոլտնտեսային շինարարության և գարնանացանի ընթացքի մասին» ղեկուցումներով հանդես են գալիս Չ. Կոստանյանը, Ա. Խանջյանը, Թ. Մանգալյանը և Ամատունին: ՀԿ(բ) Երևանի գավառային կազմակերպության փնջային ժողովները հավանություն են տալիս ՀամԿ(բ) Կենտկոմի 1930 թ. մարտի 14-ի և ապրիլի 2-ի որոշումներին, բացահայտում ու դատապարտում են կազմակերպության ներսում կոլեկտիվացման գործում տեղ գտած գոեհիկ աղավաղումներն ու ծայրահեղությունները և նշում են, որ ներկա մոմենտի առանձնահատուկ պայմաններում ձախ խոտորումների դեմ տարվող պայքարը հանդիսանում է աջ օպորտունիզմի դեմ հաշտող պայքարելու նախապայմանն ու յուրահատուկ ձևը²⁵:

1930 թ. ապրիլի 13-ին ՀԿ(բ) Երևանի գավառային կոմիտեն քննության է առնում ՀամԿ(բ) Կենտկոմի ապրիլի 2-ի, ՀամԿ(բ) Անդրերկրյան ապրիլի 10-ի, ՀԿ(բ) Կենտկոմի ապրիլի 7-ի կոլտնտեսային շինարարության վերաբերյալ որոշումները: ՀԿ(բ) Երևանի գավառային կոմիտեն հավանություն է տալիս այդ որոշումներին, խնդրի դնելով այդուհետև գյուղի սոցիալիստական վերակառուցման գործում անշղթոբն ղեկավարվել այդ որոշումներով: Կուսակցության Երևանի կոմիտեն ընդունում է կոլեկտիվ շինարարության գործում իր կողմից թույլ տված հետևյալ սխալները՝ կոմիտեն ժամանակին միջոցներ չի ձեռնարկել ու չի կանխել առանձին շրջանների միջև կոլեկտիվացման գործում առաջացած վատառողջ մրցակցությունը, ավելին, ինքն է խրախուսել ու հրահանգավորել ավարտել համատարած կոլեկտիվացումը գավառում սեղմ ժամկետում, որը բնականաբար ծնել է այդ վատառողջ մրցակցությունը: Կոմիտեն անտեսել է գավառի տարրեր շրջանների միջև եղած առանձնահատուկությունները, ժամանակին չի կանխել միջակներին կուլակաթափ անելու վտանգավոր պրակտիկան: Չնայած այն բանին, որ վերը նշված սխալները արդեն իսկ առկա էին 1930 թ. հունվարին, սակայն գավառային կոմիտեի հունվարյան պլենումը քննարկելով կոլեկտիվ շինարարության հարցը, անհրաժեշտ չհամարեց պայքարը ուղղել ձախ խոտորումների դեմ: ՀԿ(բ) Երևանի գավառային կոմիտեն միաժամանակ արձանագրում է այն խոշոր դրական աշխատանքները, որ կատարել են սկզբնական կուսակցական կազմակերպությունները կոլեկտիվ տնտեսությունների կազմակերպման ու այդ գործում տեղ գտած թերությունների վերացման ուղղությամբ: Որոշման մեջ նշվում է, որ շտկելով սխալները, ցրելով «թղթե» կոլտնտեսությունները և ուժեղացնելով կամավոր հիմունքներով ստեղծված կոլեկտիվ տնտեսությունների արտադրական բազան, կուսակցության Երևանի կոմիտեն դրանով իսկ կայուն նախադրյալ է ստեղծում գյուղի սոցիալիստական վերակառուցման հետագա ժամալման համար: ՀԿ(բ) Երևանի գավառային կոմիտեն վճռականապես դատապարտում է կազմակերպու-

24 «ՍՄԿԳ-ն բանաձևերում», մաս 2-րդ, էջ 846:

25 «Խորհրդային Հայաստան», № 84, 1930:

թյան այն կոմունիստներին, որոնք փորձում են կուսակցության պայքարը ձախ խոտորումների դեմ ներկայացնել որպես նահանջ գյուղի կոլեկտիվացման, նրա սոցիալիստական վերակառուցման քաղաքականությունից: Նման ելույթները, որոնք օբյեկտիվորեն ուղղված էին ի պաշտպանություն կոլեկտիվացման բռնի մեթոդների, ՀԿ(Բ)Կ Երևանի գավառային կոմիտեի պլենումը որակում է որպես հակակուսակցական ելույթներ կուսակցության գլխավոր գծի հանդեպ²⁶: Երգավկոմը կոչ է անում ամբողջ կազմակերպությանը արժանի հակահարված տալ բոլոր այն տարրերին, որոնք կփորձեն պաշտպանել «ձախ» սխալները, կոլեկտիվացման բռնի մեթոդները:

Պլենումը գտնում է, որ անհրաժեշտ է պայքարը մղել երկու ճակատով՝ ինչպես ձախ, այնպես էլ աջ թեքումների դեմ: Որոշման մեջ նշվում է, որ աջ թեքումը եղել և շարունակում է մնալ գյուղի սոցիալիստական վերակառուցման գլխավոր թշնամին²⁷: ՀԿ(Բ)Կ Երևանի գավառային կոմիտեի ապրիլյան պլենումը, բացահայտելով կոլեկտիվ շինարարության գործում թույլ տված սխալները, դրանց վերացման կուրս է վերցնում:

Պլենումից անմիջապես հետո լուծարքի են ենթարկվում գավառի բոլոր այն կոլտնտեսությունները, որոնք կազմակերպվել էին հարկադրանքով: Իրենց սեփականության նկատմամբ վերականգնվում են միջակ գյուղացիական այն տնտեսությունների իրավունքները, որոնք ունեզրկվել էին, դասվելով կուլակների շարքը: Գյուղացիությանն են վերադարձվում ոչ հիմնական արտադրամիջոցները, գյուղատնտեսական ինվենտարը: Սխալների շտկումով կոլեկտիվ շինարարությունը գավառում մտնում է իր բնական հունի մեջ, չբավոր ու միջակ գյուղացիական նորանոր տնտեսություններ կամոփին ընդգրկվում են կոլտնտեսություններում: Կոլեկտիվ շինարարությունը գավառում գլխավորապես սկսում է զարգանալ խորությամբ: 1930 թ. աշնանը այն նվաճում է հետևյալ բնագծերը.

ա) Հստ կոլտնտեսությունների տիպերի, արտադրական ճյուղերի և սոցիալական կազմի²⁸

Կոլեկտիվ տնտեսության տիպերը	Հիմնականում բնակավայրեր	Անցյալ տարիների թիվը	Բնակավայրերի թիվը	Գյուղացիների թիվը	Միջակայքը	Բանավորներ	Մարտահրավերներ
Հոգստադրժման ընկերություններ	30	1384	132	955	261	9	27
Գյուղատնտեսական արտերկրներ	116	7172	832	3904	2062	72	302
Կոմունիստներ	3	517	132	162	73	150	—
Ընդամենը	149	9073	1096	5021	2396	231	329

²⁶ Նույն տեղում, № 89:

²⁷ Նույն տեղում:

²⁸ ՀՍՍՀ ՀՀՍՇՊԿԱ, ֆ. 163, գյուղատնտեսության բաժին, գ. 3157, թ. 12:

բ) Հստ արտադրական կարողության²⁹

Կոլեկտիվ տնտեսության ախտերը	Ցանկացվող թվեր (հազար տոն)	Պատասխան ախտերը	Կազմող ախտերը	Թողնալի ախտերը	Մնացորդ ախտերը	Գյուղ. մեքենաներ
Հողօգտագործման ընկերու- թյուններ	2037	62	161	467	1014	6
Գյուղատնտեսական արտե- լներ	9561	554	1300	4533	9801	49
Կոմունաներ	576	27,5	32	162	2590	3
Ընդամենը՝	12174	643,5	1493	5162	13405	58

Դժվար չէ նկատել, որ գյուղացիական տնտեսությունների սոցիալիստական վերակառուցման ամենակենսունակ ձևը տվյալ ժամանակաշրջանում գյուղատնտեսական արտելն էր։ Մինչդեռ հայտնի է, որ սովետական կարգերի հաստատման առաջին տարիներին գավառում զգալի տարածում էին գտել կոմունաները, որոնց թիվը հաշվվում էր տասնյակներով։ 1930 թ. Երևանի գավառում շարունակում են գոյատևել ընդամենը երեք կոմունաներ։ Աստիճանաբար չքանում էին կոմունաները, իրենց տեղը զիջելով գյուղացիության համար առավել հասկանալի արտադրական կոոպերացիային՝ գյուղատնտեսական արտելին։ Բնորոշ է նաև այն, որ կոլեկտիվ տնտեսությունների երեք ձևերն էլ խարսխվում են գավառի գյուղատնտեսության առավել ապրանքայնացված ճյուղերի՝ բամբակագործության, խաղողագործության, այգեգործության, անասնապահության և հացահատիկային կուլտուրաների մշակության վրա։

Նկատելի է նաև այն, որ գավառի 149 կոլեկտիվ տնտեսություններում գլխավորապես ընդգրկված են չքավոր ու միջակ գյուղացիական տնտեսություններ։ Եվ դա պատահական չէր։ Եթե 1928 թ. սկզբներին գավառի նոր կազմակերպվող կոլտնտեսություններում միջակ գյուղացիական տնտեսությունների տոկոսն աննշան էր, ապա 1929 թ. աշնանից սկսած՝ պատկերը փոխվում է։ Միջակ գյուղացիության շրջանում սկսվում է բեկումը դեպի կոլեկտիվ աշխատանքը և հարյուրավոր ընտանիքներ կամովին ընդգրկվում են կոլտնտեսություններում։ Ընդ որում, միջակ գյուղացիության համար գյուղատնտեսական արտելը դառնում է կոլեկտիվ աշխատանքի ամենահասկանալի սոցիալիստական ձևը։ Այդ մասին է վկայում այն փաստը, որ գավառի 116 գյուղատնտեսական արտելներում միջակ գյուղացիները կազմում են բոլոր անդամների մոտ 50 տոկոսը։ Այս փաստը խոսում է նաև այն մասին, որ գյուղատնտեսական արտելը, ինչպես կոմունաների, այնպես էլ համայնական հողօգտագործման ընկերությունների նկատմամբ հանդիսանում է ամենակենսունակ ձևը գյուղի սոցիալիստական վերակառուցման գործում։ Ինչ վերաբերում է կոլտնտեսու-

²⁹ Նույն տեղում, թ. 9, 10։

թւումների նյութատեխնիկական բազային, ապա վերը զետեղված աղյուսակից պարզ երևում է, որ այն հիմնականում ստեղծված է ինչպես կոլտնտեսականների սեփական, այնպես էլ պետության կողմից տրված միջոցներով:

ЗА СОЦИАЛИСТИЧЕСКОЕ ПРЕОБРАЗОВАНИЕ СЕЛЬСКОГО ХОЗЯЙСТВА

А. П. МКРТЧЯН

Р е з ю м е

С начала 1928 г. колхозное движение в Ереванском уезде делало первые шаги. Рождались коллективные хозяйства. Ереванская уездная партийная организация возглавила это движение, идущее снизу, строго соблюдая принцип добровольности. Однако V пленум Ереванской уездной организации КП(б)А (5 января 1930 г.), игнорируя опасность, идущую «слева», объявил уезд районом сплошной коллективизации. Гонимая за высокими показателями, районы уезда фактически начали соревнование, зачастую допуская при этом левацкие перегибы. Уездный партийный пленум (13 апреля 1930 г.), обсудив решения пленумов ЦК ВКП(б) от 14 марта и 2 апреля, взял курс на исправление допущенных ошибок. После этого партийные организации развернули борьбу не только против правого, но и левого уклонов. Колхозное движение в уезде начало развиваться довольно успешно.